



## GANTIG NEVEZ

*Composet var Buez an Abostol Sant Pêr,  
Prinç an Ebrestel.*

*Var ton Güerz Sant Alexis,*

---

**C**LÉVIT cana eur Vuez zo nevez compost,  
Grêt da Brinç an Ebrestel, Sant Pêr e zê hanvet,  
Pehini zo enoret e pêvar c'horn ar bed:  
Nep a glêvo e c'hana a vezo ravisset.

Bremâ me a zisclêryo d'ar bed oll en antier  
Ar Vuez, ar Miraclou eus an Autrou Sant Pêr;  
Penos en deus recevet alc'hoes ar Barados,  
Evit cass ar Gristenien eun deiz d'y da repos.

Sant Pêr, Abostol, a voa notif a C'halilée,  
Hac a voa pesqetaer, hervez m'eo e Vue;  
E vreur a voa Sant Andre; hor Zalver er galvas,  
Ha ma qüittas e vicher da heuill ar Messias.

Bet en deveus ar pouvoar eus a zorn ar Messi  
D'amari ar pcc'hejou, ha d'o disamari;  
Ar Vêleyen abaoue iveau o deus-y bet:  
Nep na heulio ar Zant-mâ, biжен na vo salvet.

Lêzomp ar privilachou pere eu deveus bet  
An Abostol beniguet digant Salver ar bed;  
Canomp bremâ an daëlou pere en deus scuillet,  
P'en devoa e Vestr Jesus e tal an tân nac'het.

D'annos eus ar Yaou-Gamblit, Jesus en deus laret  
 E vije abandonet dre' vrassa mignonet;  
 Sant Pêr a zavas diouz tol, hac a lavar neuze:  
 Me ho heulio, va Mestr quer, bete coll va bue.

Jesus a respont da Bêr, ractal ma er c'hlêvas :  
 Aroc ma cano ar c'hoq, te am nac'ho, siouas !  
 Partia ra hor Zalver d'ar Jardin Olivet,  
 Da offr d'e Dad Eternel e Bassion galet.

Dont a ra ar zoudarded evit e guemeret ;  
 Judas' deu d'e drahissa; Sant Pêr en deus troc'het  
 Ar scùarn deo da Valchus etouez ar zoudardet,  
 Abalamour ma vele e Vestr quer goal-drêtet.

Laqat a reas Jesus ar scoùarn en e blaç ;  
 O tistraci ouz Pêr neuze, truezus e laras :  
 Ar muntr a zo difennet; ho cleze dastumet :  
 Nep a scoyo gant cleze, gant cleze vo lazet.

Pa en devoe hor Zalver lavaret qementse,  
 E saillas an dud barbar neuze souden varne,  
 D'en amari gant querdeu evel eur sorcer bras,  
 Ha treinet dre ar vouillen da bales Caïphas.

Pêr, o heulia hor Zalver, a velân zo spontet ,  
 Pa vele voa qemeret gant an dud arrajet ;  
 Heulia a ra hor Zalver da bales Caïphas ,  
 Hac én monet da domma, an amzer voa yen bras.

Eur vatez eus ar pales er güelas o tomma ,  
 Ha prest en anavezas, ma c'houlennas ountâ :  
 Te a zo eur e'hamarad demeus ar fals Prophet ,  
 Pehini zo en nos-mâ er jardin qemeret.

O lachete effroyabl eus an Abostol-màn !  
 Lavarat a ra penos n'anav qet anezà !  
 Proferi a ra teir güech e vlasphem milliguet ;  
 Ebars ar niemes instant ar c'hoq en deus canet.

Er memes amzer , Jesus en deveus bet sellet  
 Oc'h e Abostol Sant Pêr , ha dezàn lavaret :  
 Pêr? gant da gomzou , siousas ! eo va c'halon rannet ;  
 Goas eguet va zourmanchon abers ar zoudardet.

Onnes eo ar bromessa a poa-e din-me grêt  
 Penos betec ar maro e pije va heuillet ?  
 Te zo porsier an Envou , hac ec'h eus va zromplet !  
 Sorti buan , den ingrat ! da vouela da bec'het.

Sant Pêr , pa en deus clêvet comzon Salver ar bed ,  
 E galon a zo rannet , hac e zeo sortiet  
 D'ober epad e vuez eur binigen galet :  
 Prestit hoc'h attantion , m'ho ped , asistantet :

Gant bara zec'h ha louzou , ha dour pur a eve ,  
 An douar yen da gousqet cn devoa da vele :  
 Hervez m'en deus rapportet an Autrou Sant Gregoar ,  
 Pa glêve cana ar c'hoq , e vouele gant glac'har .

Goude ma voe bet pignet hor Zalver bars en êe ,  
 Ec'h assamblas en eur gambr an Disqibien neuze ,  
 Evit choas un Abostol ebars e plaç Judas ,  
 Pini voa êt gant Satan en iferu d'an tân bras .

D'ar Pantecost , pa deuas dê ar Speret-Santel ,  
 Sant Pêr a voe ar c'henta o prezeg an Aviel ,  
 Maro hor Zalver , hac e convertis en un de  
 E tuont pêvar mil den ebars en eur c'hontre .

Sant Pêr a voe ar c'henta oc'h ober miraclou ,  
 O tisclêria'n Aviel a Jesus hon Autrou ;  
 Tud hac a voa possedet gant Satan milliguet ,  
 Evel ma touche outo , e vijent delivret .

Cass a reas dirazàn calz a dud afflijet ,  
 Re glän ha paralitiq , hac i've leproset ;  
 A sqeud demeus a Sant Pêr , el lec'h ma tremene ,  
 A roe d'an oll yec'het dre ar c'hraç a Zoue .

Gant conje an Ebrestel eo souden partiet  
 Da vont da guær Samari gant Sant Yan beniguet,  
 Da gass ar Speret-Santel d'ar Gristenien neve,  
 Hac evit o c'honfirm a muioc'h en graç Doue.

Er guær a Jerusalem e zoa bet prisonniet  
 Gant ar Roue Herodes , eun den cruel meurbet ,  
 Carguet eus a chadennou e dreid hac e zaouarn ,  
 Eus e boanniou e c'hoardou a rê bouzard scouarn.

Nos-deiz e zoa an Ijis ebars en orèson ,  
 O pedi evit Sant Pêr , pini zo er prison ,  
 Ma pliche gant hor Zalver ma vije delivret  
 Eus a zaouarn Hérodès , a voa cruel meurbet.

Sant Pêr bars en e brison a zo chomaiet cousoet ;  
 Un Æl guenn a zo deuet en deus e zifunet :  
 Me zo deut abers ho Mestr evit ho telivra ;  
 Güisqit buan ho tillad ha va heuillit bremâ.

Tremen eure ar goardou hep beza tam güelet ,  
 Ar persier eus ar prison o-unan digoret ;  
 Rentet e voe gant an Æl er gambr gant miracl bras ,  
 Da gaout an Ebrestel all , a voa glac'haret bras.

Satan o velet penos ez eo bet chasseet  
 Eus a douez ar Gristenien gant ar Groas beniguet ,  
 En deus digasset eur monstr demeus e gonsortet ,  
 Simon ar Magicien eo an den milliguët.

Emàn a voa eur sorcer , a lare' voa Doue ,  
 Dre ardou fall an diaoul sorceres bras a rê ;  
 Sant Pêr , evel ma clêvas , da Rom e partias  
 Gant Sant Marc , Avieler , a voa e vignon bras.

Bremâ Simon ar Sorcer a ra troyou plêsant ;  
 Dirac an Impalaer en em chench en serpent ;  
 Laqat ar mein en bara , ha moni e creiz an tân ,  
 Hep caout na drouc nac offanç , dre c'hraç e vestr Satan .

Digueri rē'n dorojou pere vije serret,  
 Delivra prisonnerrien a vije chadennet.  
 E Rom en deus alumet eun tān voa quer puissant,  
 Ma sònjet e voa dévet qær oll en un instant.

Mes Sant Pêr, pa er güelas, a yas da gomz ountān,  
 Ha dirac an Impalaer a lavaras dezàn :  
 Ret eo dìn digass cun den a vezo decedet ;  
 An hini en ressuscito a vo Doue credet.

Var eur blacen eus a Rom voe eun theatr savet  
 Evit güelet ar miracl a dleye beza grêt ;  
 Ha dre urz an Impalaer eur c'horf voe digasset ,  
 Pebini aboe tii mis a voa bet entêret.

Simon ar Magicien a gommianças qenta ;  
 Ar maro a zao e benn , an diaoul eo emâ ,  
 Ar bobl oll e general a gommanc lavaret  
 Penos voa Simon Doue ha Sonveren ar bed.

An Abostol beniguet a voa var e zaoulin ,  
 Hac a bede a galon Jesus , hor Mestr divin ;  
 Larat a rà d'ar maro , demeus a bers Doue ,  
 Sevel buan en e za ha retorn en bue.

An den-mâ neuze souden en en za zo savet :  
 Hac ar bobl oll a grias : Doue ra vo meulet !  
 Goude , Simon ar Sorcer , gant Satan possedet ,  
 A voe gant an diaoulou ac'haho anlevet.

Savet e voe qen huel gant an drouc-sperejou ,  
 Ma cuezas var an theatr , bruzonet e vemprou ;  
 Mes an Impalaer Nerun , den barbar ha brutal .  
 A ras Prisonnia Sant Pêr neuze souden ractal.

Dastumet e voe gantân iveau an Ebrestel ,  
 Ha laqet en eur c'hachot eguis tud criminel ;  
 Chadennet e voent iveau en eur fêçon brutal ,  
 Ha laqet calz soudarded evit dont d'o dioüal.

Gant an instructionou eus an Abostolet,  
 Ar goardou a vor lajet nos ha deiz d'o miret  
 A zo bet convertisset da lezen hor Zalver,  
 Ar jolier, ar jolierez, o fani.ll en antier.

Da rei dezo badiziant banne dour n'o d'oa qet,  
 Mes Doue a zisqüelas miracl en o andret:  
 Eus ar roc'h e sortias eur feunteun ar gaera,  
 A ra bepret miraclou bete'n heur a vremâ.

An Impalaer Neron, den cruel, milliguet,  
 Ar Brincet eus e bales en deus bet assamblet,  
 Da invanti tourmantchou eur ar re gruella,  
 Da dourmanti'n Ebrestel voa prisonniet gantâ.

Sant Pêr demeus ar prison a zo bet sortiet,  
 Pedet gant an Ebrestel gant comzou éalonec:  
 Pardon, hor Prinç, emezo, a vremâ ni ho ped  
 D'hon recommandi en oll d'hor Mestr bras beniguet.

Eur pennad demeus a Rom Sant Pêr en deus cavit  
 E Vestr quer carantezus: Jesus a Nazaret  
 Hac ar Zant pa er güelas, a c'houennas ountâ :  
 Livirit dîn, va Mestr quer, pelec'h e zit bremâ.

Jesus en deus consolet e Abostol santel  
 Gant comzou carantezus, douç ha celestiel:  
 Pelec'h e zàn da vont, Pêr, c'houi oc'h eus goulenet?  
 Mont a rân bremâ da Rom da veza crucifiet.

Sant Pêr evel ma clêvas comzou Salver ar bed,  
 A douetas e voa én a vije crucifiet.  
 Retorn a ras d'ar prison, mes gant eur galon vad,  
 Da scuilla evit Jesus ar rest demeus e voad:

Sant Pêr ebars er prison pa zeo bet êruet,  
 Ancourach ar Gristenien, pere zo dezolet:  
 Souffromp gant paciantet, va breudeur, ar maro,  
 Hac e yimp recompanchet gant Jesus en ênvou.

7

Casset d'an Impalaer, d'ar maro eo barnet ;  
Sant Paol, evel Romanist, a vezò dibennet ,  
Ha Sant Pêr, evel Yuzeo, a vo crucifiet ,  
Hac e dreid hac e zaouarn gant tachou vo staguet.

An Impalaer cruel en deveus ordrenet  
Ma vije an dud santel dirazàn divisqet ,  
Ha staguet oc'h pillierou evit beza fouettet ,  
Qen a deuje da scuiza ar bourrevien tygret.

Adieu, va c'hamaradet, a lavar Pêr da Bol ;  
Diganeoc'h e c'houlennàn pardon ha gant an oll.  
En em boqomp oll bremâ an eil hac eguale ,  
Qent ma vezimp separer evit coll hor bue.

E humilité zantel a reas da Sant Pêr  
Goulen ma vije staguet er groas vel hor Zalver ;  
Gant calz a humilité en deveus goulennet  
Ma vije e benn d'an traòn dezàn crucifiet.

Neuze' bars er Vatican, pe Menez Aouz hanvet ,  
E voe cunduet ar Zant gant calz a zoudardet ;  
Laqet voe e benn d'an traòn ha tachet ouz ar groas ;  
Ma crie misericord an oll, bian ha bras.

Sant Pêr zo victorius, hac a rent e ene  
Etre daouarn e Vestr mad, Jesus, güir Vab Doue.  
An tosta eo d'hon Zalver ebars er Barados ;  
Protectour eo d'an Ilis evidomp deiz ha nos.

Ar c'horf santel a Zant Pêr a zo bet ambomet  
Dre soign eur bêleg santel, Marcel e zeo hanvet ;  
Ha laqet ebars eur bez precius bras meurbet ,  
Peur-dost d'al leac'h ma voe ar Zant crucifiet.

An Abostol qer Sant Pêr en devoa pemp troatad ,  
Douç, humbl, paciant, modest, mes eus a figur vad ;  
E zaoulagad voa tener, rac meurbet e vouele ,  
Abalamour m'en devoa nac'het güir Vab Doue.

Celu eta, Christenien, Buez Autrou Sani Pêr,  
 Mellezour deomp, pec'herien, ebars e peb amzer;  
 Da vouela ar pec'hejou hon eus bet coumetet,  
 Hac e vezimp eveltân gant Jesus pardonet.

An Abostol bras Sant Pêr dre oll a zo pedet  
 Ebars en oll Paressiou, e pêvar c'horn ar bed;  
 Gantâ e mât an alc'hoez deimeus ar Barados:  
 Pedomp-én ta a galon ma zaimp dy da repos.

### FIN.

